

Segun informacion di Camara di Comercio, durante e ultimo 1 aña y 5 luna

Compania cu a construi Linear Park, lo a actua contra ley

ORANJESTAD – E siman cu a pasa, a inaugura Linear Park cu riba su mes ta un proyecto productivo pa comunidad di Aruba. Problema ta, ora cu Gobierno traha cu companianan cu ta actua sea illegal of ta haci cosnan contra ley.

Den e caso aki, no ta conoci si gobierno y e companianan liga na gobierno, manera Dienst Openbare Werken (DOW) ta of tabata na altura di esaki. Pero hecho ta cu, riba papel, e compania envolvi, lo no a actua conforme ley.

BON DIA ARUBA tin informacion cu e compania responsabel pa a construi Linear Park, a wordo maneha pa un persona(nan) misterioso, no conoci publicamente durante e ultimo aña y 5 luna. Esaki ta loke e documentonan di e compania ta mustra, segun e registracion na Camara di Comercio.

BON DIA ARUBA tin documentonan publico di Camara di Comercio, cu ta indica cu for di november di 2011, e compania no tin un director y como tal e no por fungi como un compania si e no tin director.

Mientras cu esaki no ta algo 'ilegal', e compania ta 'actuando contra ley' segun informacion cu BON DIA ARUBA a ricibi for di Camara di Comercio. E por zona confuso, pero tin areanan den ley cu ta permiti cierto caminda pa cana, siendo cu e compania ta actuando 'contra ley'.

DIRECTOR

Loke ta mas interesante ainda ta si e compania a opera tur e tempo aki, sin cu e tabatin un director apunta nobo, ken a duna e persona 'nobo' e autorisacion pa actua na nomber di Prosuinca. Ken e ta, y con esaki a tuma luga.

Y si e ta tuma luga mes, den u forma legal, esta pa medio di un reunion di accionista, pakico e cambio nunca no a wordo registra na Camara di Comercio.

FAYO ADMINISTRATIVO
E por ta un 'fayo administrativo' pero pa ley, tanten cu e registro di Camara di Comercio no wordo 'adapta', legalmente e compania no ta cubri pa ley, cu tur e consecuencianan cu esaki por tin.

STATUTO

E compania, segun e acta notarial, hibando e nomber Prosuinca Aruba NV, a wordo lanta dia 9 di december 2009 door di un compania cu a fungi como director. Y ta e nomber aki tambe a wordo registra na Camara di Comercio e fecha ey, manera stipula pa ley. Pero e mesun compania cu ta maneha Prosuinca, a retira como director di Prosuinca dia 15 di november di 2011, lagando e compania aki sin un director.

Por lo menos segun registracion di Camara di Comercio valido e siman aki ainda.

SIN DIRECTOR

Esaki ta nifica cu for di e fecha ey, y te cu e siman aki (e uittreksel ta di e siman aki), e compania a 'funciona' sin un director legal registra. Traduci na termino legal, esaki ta nifica cu pa e periodo di un anja y 5 luna e compania no por a haci ningun compromiso of acto cu ta cubri pa e NV. Sinembargo, manera ta conoci, e proyecto di Linear Park a sigui, cu un retraso di un anja y mei, y no tabatin ningun cambio registra na Camara di Comercio nombrando un otro director.

IMPLICACION

Tecnicamente, esaki ta nifica cu, cualkier acto cu si lo a wordo cometi (i.e. pagonan haci of cobransa haci) ta bay pa cuenta di e persona cu a actua den nomber di Prosuinca. Cualkier impuesto, boet, problema of otro asunto cu tuma luga durante e periodo ey, ta cay pa cuenta di e persona cu e periodo ey a 'actua of fungi' como su representante.

REGISTRA CAMBIO

Segun BON DIA ARUBA por

a compronde di Camara di Comercio, cualkier cambio cu tuma luga, mester wordo registra na Camara di Comercio, y mester sosode pa medio di un reunion di accionistanan di e compania cu ta aproba e cambio di director.

Unabes cu esey sosode, e persona mester wordo registra corectamente na Camara di Comercio pa asina e bira legal.

Unabes cu esey sosode, e NV por fungi normal y asumi e 'responsabilidad', kitando asina cualkier responsabilidad 'personal' di e persona cu ta fungi como director. □

Handwritten document from the Handelsregister van de Kamer van Koophandel en Nijverheid te Aruba, dated 17 December 2009. The document is a 'PROSUINCA ARUBA' registration form. It contains details about the company's name, address, and capital. The name is 'PROSUINCA ARUBA N.V.' and the address is 'BELGIËSTRAAT 36, ORANJESTAD'. The capital is listed as 'ARUBAANSE FLORINS 50.000,00'. The document is signed by the Registrar, J.E. Irausquin, and the date is 17 December 2009.



Pelican Adventures

One of the leading tour & water sports company on Aruba offers a job opportunity for the following full time position:

SALES AGENT / SALES AGENT BEACH

Requirements:

- Fluent in English and Spanish
- Minimum 1 year experience in sales of Beach activities
- Customer service oriented, friendly and polite
- Flexible working hours (shifts), including weekends & holidays
- Must be able to lift equipment weighing not more than 20lbs
- Must be able to get in the water on occasions
- Must be highly motivated and disciplined
- Must have reliable transportation

We offer:

- A pleasant work environment
- Attractive salary
- A great opportunity to develop your skills

Applicants must be Aruban or have a valid working permit.

Please apply with resume:
In person at Pelican Main Office, J.E. Irausquin Blvd. 232, by fax 587-2315, or email to pelicanadv.exec@setarnet.aw